

Tegnair distanza: viver durant il temp dal «social distancing»

Occurrentas èn ditgas giu, restaurants, butias e scolas èn serradas. Il Grischun ed il rest da la Svizra stat tan prest airi. I vegn pretendi da tegnair distanza d'auters umans e perquai lavuran blers davent da chasa. Tgirar contacts – quai n'è il mument simpel per nagin. Cun fantasia e flexibilitad è però bler puissaivel. Nus As mussain da tge che Vus stuais far attenziun e tge che Vus pudais contribuir sez.



Las ultimas pèr emnas è nos-sa vita sa midada fermamain. E quai vegn er anc a restar uschia ina detga pezza. I dat restricziuns e cumonds. Nus na pudain betg pli far tut quai che nus essan disads sen-za restricziuns. I vegn recu-mandà da restar a chasa sche puissaivel, da sa lavar savens ils mauns e da tegnair almain dus meters distanza d'auters

umans. Tut questas mesiras han la finamira da frantar la derasaziun dal coronavirus e da proteger las personas las pli periclitadas, personas pli attempadas e las gruppas periclitadas cun malsognas preexistentas u cun in sistem d'immunitad indeblì – tar quel-las tutgan er uffants e giuve-nils. Mo uschia pon ins evitare che noss sistem collabeschia.

Pensai a moda nunconven-zionala – i dat alternativas
La stagnaziun quasi cumpleta da la vita publica porscha – malgrà tut las malempenaivladads – era la schanza da finalmain prender per mauns projects che Vus avais fin uss adina puspè spustà: far re-paraturas, cumenzar cun la nettegiada da primavaira, far urden, leger il cudesch ch'è

gia daditg sin la maisina da notg. U nizzegiai il temp sup-plementar per realisar ideas zuppadas: faschai musica u malegiai, nudai regurdient-schas extraordinarias da Vossa vita, cultivai plantinas sin Voss balcun u sin il par-siel-fanestra, semnai ervas, endrizzai auter ina stanza u faschai ina nova decoraziun.

Restai en contact – malgrà la distanza

Igl è impurtant da tegnair distanza. Tuttina pudais Vus restar en contact cun Vossa famiglia e Voss amis. Nizzegiai pli savens la telefonia cun video, per che Vus possias tuttina As vesair. Pertge betg scriver puspè ina giada brevs, malegiar insatge u far videos e tramerter quels? U co fissi cun in appuntament nunconvenzional, per exemplu cun in past «cuminaivel» via Skype u da balcun a balcun? Tirai a niz Voss talents, Voss potenzial creativ e Vus vegnis a vesair ch'ì fa plaschiar e che Vus avais tuttenina tut otras sfidas.

«L'agid dad auters duess ins acceptar ussa»

Trais dumondas a ... Marianne Lüthi, manadra dal program Promozion da la sanadad e prevenziun en la vegliadetgna da l'Uffizi da sanadad dal Grischun

Co sa senta la generaziun pli veglia en la crisa da corona actuala?

Jau ves duas tendenzas diffe-rentas: d'ina vart vegn rap-portà da fitg blera assistenza, servetschaivladad, solidaritat e da sustegn psichic en il vitg, il quartier, en famiglia e tranter vischins. Blers umans pli vegls èn però era malsegirs, sa sen-tan exclus, isolads ed inutils. Jau hai per exemplu udì cons-tataziuns sco: «ler era jau anc ina seniora activa, oz sun jau veglia» ubain «ler era jau anc dumandà, oz vegn jau exclus».

Questa intschertezza è chapaivla. Dastg'ins insumma anc ir ord chasa sco persuna pli passada?

Da princip vala: restar a chasa sche puissaivel. Far cumpras duessan personas pli veglias ussa propi laschar far insatgi auter per proteger sasezzas ed ils conumans. La solidari-tad e la servetschaivladad èn actualmain gea fitg grondas. Blers èn pronts da sustegnair e da gidar. Quest agid duess ins acceptar uss exnum. Da l'autra vart fai bain da sa mover en la natira per survegnir in chau liber. Quai è er impurtant per la psica. Sch'ins è sulet per via e sch'ins lascha adina avunda distanza d'auters umans, damai almain dus meters, lura pon ins ir vinavant a spass.

Co pon ins s'occupar raschunaivlamain durant quest temp spezial?

Forsa è gist uss il dretg mu-ment per guardar enavos sin la vita da fin uss. Igl è prezius da nudar ses patratgs u d'als par-ter cun insatgi. Tge personas, inscunters e lieus han influen-zà mai? Tge tocs da musica, ovras d'art, films u viadis? Ubain era: tge evenimenti personals, per exemplu crisas, m'hàn marcà e purtà vinavant? Uss è il temp per sa fermar, far plans ed als prender per mauns, cura che quai è puspè puissaivel.

Infuraziuns seriusas: segirezza en ina situaziun da crisa

Infuraziuns seriusas, cleras e chapaivlas gidan a s'orientar e dattan segirezza en ina situaziun da crisa. As infurmai bain, nizze-giai dentant las medias cun me-sira. Evitai en spezial in consum da medias nuninterrut e proteggi Vus e Voss chars d'in consum exagerà d'infuraziuns davant la situaziun actuala.

- As infurmai ina fin duas giadas a di davant la situaziun actuala.
- Nizzegiai exclusivamain funtaunas da novitads seriusas sco era la pagina d'internet dal Chantun

www.gr.ch/coronavirus

www.facebook.com/kantongr

- Sajas critic. I curseschan bleras infuraziuns falladas, mesas vardads e cugliunarias.



Il pli impurtant en furma concisa

Tegnai avunda distanza d'auters umans!
Ma tge signifitga quai precis?

- Restai a chasa ed evitai contacts.
- Telefonai in cun l'auter empè d'As inscuntrar.

E sche Vus stuais tuttina ir ord chasa:

- Tegnai ina distanza d'almain dus meters cun discurrer e seser u durant star en colon-na. Sche Vus sesais a maisa, laschai simplamain liber ina sutga tranteren.
- Na stai betg pli ditg che 15 minutus en la vischinanza directa d'ina altra persona. Era qua vali da tegnair ina distanza da dus meters.

Agid per personas pli attempadas e per gruppas periclitadas

Telefon 143 In discurs gida savens – da tut temp, anonim e gratuit. **www.grhome.ch/grhelp** Grischunas e Grischuns gidan Grischunas e Grischuns cun agid da buna vischinanza, servetsch da pasts e servetsch da furniziun a chasa.

https://viva.engadin.online/insempel «Insempel» è la plattaforma engiadinaisa, nua ch'ins po dumandar per agid ed al porscher a moda nuncumpligada ed anonima. La plattaforma collia il Grischun dal Sid en in temp, nua ch'ì vala da tegnair ensem.

www.fiveup.org L'app «Five up» porta mauns gidanters il dretg mument en il dretg lieu. Personas periclitadas senza smartphone sa drizzan a la helpline 058 400 41 41.

www.hilf-jetzt.ch Chattar agid, sche Vus u in'altra persona che Vus enconuschais dovrà sostegni.

U dumandai per telefon directamain Vossa vischnanca

Il cusseglier guvernativ sa drizza a las Grischunas ed als Grischuns

Il coronavirus restrencha la vita publica. Gist en temps int-scherts èsi impurtant che la politica s'exprimia. Cusseglier guvernativ Peter Peyer sa drizza a la populaziun grischuna cun plebs cleris e motivants. Ses pled pudais Vus guardar sut:

www.facebook.com/kantongr

